



**Broj predmeta:** 13-000707/23  
**Broj akta:** 01.1-1528ZN-0011/23  
**Datum,** 30. 5. 2023.. godine  
**Mjesto,** Brčko

Na osnovu člana 17. stav (2) Zakona o Vladi Brčko distrikta BiH („Službeni glasnik Brčko distrikta BiH“, broj: 22/18- prečišćen tekst, 49/18, 08/19, 10/19 i 32/19), u skladu s članom 100. tačka (3) Zakona o javnim nabavkama („Službeni glasnik BiH“, broj: 39/14 i 59/22), člana 27. stav (6) tačka c) Instrukcije o organizaciji i internom postupanju u postupcima javnih nabavki u Brčko distriktu Bosne i Hercegovine („Službeni glasnik Brčko distrikta BiH broj:3/23) i Prijedloga Komisije za žalbe od 29.5.2023. godine, po žalbi žalioца „Netiks“ d.o.o. Brčko na Odluku o izboru ponuđača za nabavku usluga TV prenosa sjednica Skupština prema zahtjevu za nabavku Stručne službe Skupštine Brčko distrikta BiH broj: 13-000707/23 od 3.5.2023. godine, gradonačelnik Brčko distrikta BiH d o n o s i,

## **ODLUKU**

### **PO ŽALBI PONUĐAČA**

#### **Član 1.**

**USVAJA SE KAO OSNOVANA ŽALBA ŽALIOCA „NETIKS“ D.O.O. BRČKO NA Odluku o izboru najpovoljnijeg ponuđača za nabavku usluga prenosa sjednica Skupštine Brčko distrikta BiH broj: 13-000707/23 od 3.5.2023. godine prema zahtjevu za nabavku Stručne službe Skupštine Brčko distrikta BiH.**

**KOMISIJA ZA NABAVKE ĆE IZVRŠITI PONOVNUNU ANALIZU DOSTAVLJENIH PONUDA I SAČINITI NOVI ZAPISNIK SA PREPORUKOM ZA DONOŠENJE ODLUKE U POSTUPKU NABAVKE NAVEDENIH USLUGA.**

#### **Obrazloženje**

U provedenom postupku nabavke je donesena Odluka o izboru najpovoljnijeg ponuđača u postupku nabavke usluga TV prenosa sjednica Skupštine Brčko distrikta BiH broj: 13-000707/23 od 3.5.2023. godine kojom je ugovor dodijeljen ponuđaču RTV „HIT“ d.o.o. Brčko distrikt BiH na iznos od 54.405,00 KM sa uračunatim PDV-om.

Nezadovoljan navedenom Odlukom, ponuđač „Netiks“ d.o.o. Brčko, kao učesnik u postupku nabavke je u rokovima propisanim članom 101. Zakona o javnim nabavkama („Službeni Glasnik BiH“, broj: 39/14 i 59/22) dostavio žalbu u kojoj je naveo sljedeće činjenice:

- Predsjednica Komisije za nabavke, Maja Kovačević Gudelj je bila u sukobu interesa jer je honorarno radila za jednog od učesnika u ovom postupku nabavke;
- U Odluci i zapisniku o ocjeni i analizi ponuda je u nekoliko navrata napisan pogrešan naziv ponuđača „Netix“ doo, a trebalo je da glasi: „Netiks“ d.o.o.;
- U tenderskoj dokumentaciji je kao kvalifikacioni uslov za ponuđača zahtijevano da ponuđač

posjeduje dozvolu za zemaljsko emitovanje izdatu od strane Regulatorne Agencije za komunikacije BiH, da je on, kao ponuđač, dostavio dozvolu za digitalno zemaljsko emitiranje koja ima istu svrhu i praktično značenje, a da je eliminisan radi toga. Naveo je da nije tražena dozvola za analogno emitovanje, te smatra da dostavom dozvole za digitalno emitovanje ispunjava tražene uslove iz tenderske dokumentacije.

Komisija za žalbe je izvršila uvid u tendersku dokumentaciju i utvrdila je sljedeće:

- a) Tačkom 5.4.1 Tenderske dokumentacije su propisani uslovi za ponuđače u pogledu tehničke i profesionalne sposobnosti, te je zahtijevano da ponuđač treba ispuniti sljedeće minimalne uslove i to:
  - Da ispunjava uslove za televizijsko emitovanje putem zemaljske radiodifuzije koje je propisala Regulatorna agencija za komunikacije Bosne i Hercegovine i
  - Da posjeduje tehničke uslove za emitovanje putem zemaljske radiodifuzije u vidu TV predajnika na području Brčko distrikta BIH i da svojim signalom pokriva područje Brčko distrikta BIH.
- b) Tačkom 5.4.2 tenderske dokumentacije su propisani dokazi kojim ponuđač dokazuje ispunjenost uslova iz tačke 5.4.1. ove tenderske dokumentacije i to na sljedeći način:
  - Dozvola za televizijsko emitovanje putem zemaljske radiodifuzije izdata od strane Regulatorne agencije za komunikacije Bosne i Hercegovine sa rokom važenja koji pokriva 2023. godinu i
  - Tehnički uslovi za emitovanje izdati od Regulatorne agencije za komunikacije Bosne i Hercegovine.

Uvidom u ponudu „Netiks“ d.o.o. Brčko distrikt BIH, sada žalioca, je utvrđeno da je:

- a) Na stranici 18 priložena ovjerena kopija dozvole za pristup Multipleksu elektronske komunikacijske mreže u digitalnoj zemaljskoj radiodifuziji u Bosni i Hercegovini od 14.2.2023. godine izdatu od strane Regulatorne agencije za komunikacije i
- b) Na stranici 19 ponude priložena je ovjerena kopija Rješenja broj: UP1:06-29-1-213/23 od 14.02.2023. godine izdatog od strane Regulatorne agencije za komunikacije.

U cilju ispitivanja osnovanosti navoda iz žalbe, predstavnik ugovornog organa je kontaktirao Regulatornu agenciju za komunikacije BIH i tom prilikom je dobijeno pojašnjenje da „dozvola za pristup MUX-u u digitalnoj zemaljskoj radiodifuziji u digitalnoj regiji Majevica se može smatrati dokazom da su ispunjeni uslovi za predmetni postupak javne nabavke...“ Osim toga, navedeno je da signal multipleksa D u Brčko distriktu može kvalitetno primati oko 70% populacije.

Kako tenderskom dokumentacijom nije navedena minimalna pokrivenost signalom populacije, nego područja, nije moguće staviti ponuđače u ravopravan položaj čime bi se narušio princip jednakog tretmana ponuđača. Shodno navedenom, navod je osnovan u dijelu da se navedenom dozvolom dokazuje mogućnost emitovanja programa u zemaljskoj radiodifuziji.

Ispitivanjem činjenica, utvrđeno je da postoji sukob interesa u slučaju predsjedavajuće Komisije za nabavke, koja nije postupila u skladu sa članom članom 52. stav (9) Zakona o javnim nabavkama („Službeni Glasnik BIH“, broj: 39/14 i 59/22). S obzirom na činjenicu da sukob interesa nije otklonjen prije samog čina otvaranja ponuda, to je neophodno uvažiti ovaj navod žalbe i predložiti poništenje postupka nabavke navedenih usluga.

Usvaja se navod koji se tiče pogrešno navedenog naziva ponuđača „Netiks“ d.o.o. Brčko distrikt BIH u zapisniku i odluci o izboru najpovoljnijeg ponuđača.

Uvidom u zapisnik o pregledu i ocjeni ponuda, kao i u odluku o izboru najpovoljnijeg ponuđača, utvrđeno je da je navod koji se tiče naziva ponuđača „Netiks“ d.o.o. Brčko osnovan.

Komisija za žalbe je zauzela stav da je žalba žalioca osnovana, te se predmet vraća Komisiji za nabavke u fazu sačinjavanja novog zapisnika sa preporukom za donošenje odluke.

**Uputstvo o pravnom lijeku:**

Protiv ove odluke ponuđači imaju pravo da podnese pismenu žalbu Uredu za razmatranje žalbi u Sarajevu upućivanjem žalbe putem Odjeljenja za stručne i administrativne poslove, Pododjeljenju za javne nabavke Vlade Brčko distrikta BiH, u roku od 10 dana od dana prijema odluke.

**GRADONAČELNIK**  
**prim. dr. Zijad Nišić**



**DOSTAVLJENO:**

1. Odjeljenju za stručne i administrativne poslove  
- Pododjeljenju za javne nabavke,
2. Stručnoj službi Skupštine,
3. Žaliocu „Netiks“ d.o.o. Brčko  
Dubrave bb,
4. Gradonačelniku,
5. Arhivi.